



## **Програмы ЕУ про молодеж**

**Грантова підпора на реалізацію проєктів є фінансована із средств Европской унії.**

**Хочеш здобути новы компетенції** неформалным способом навчання, познавати Европу, научіти ся чужій язык і найти сі новых приятелів?

**Маєш інтерес вытворити сі властный проєкт** або запоїти ся до реалізованя проєктів з далшыма молодыма людми? Так ся запої до програму Ерасмус+ молодеж і Европского збору солідаріты. Спочатку стачіть, кедь сі отвориш тот летак і посередництвом контактів уведжених в ёго заключіню будеш жадати о веце інформацій.

## Ерасмус+ про область молодежы

Є едукачный програм Европской унії, котрый підпорує меджінародну сполупрацу. Знали сьте, же Ерасмус+ не є призначений лем про студентів і студенткы?

### Як участник маєш возможность:

- Брати участь на молодежній обміні дома або будьде в Европі, стати ся сучастёв активіт партіціпації молодежы і презентовати свої потреби і погляды політікам і далшым особам з вирішующов компетенціёв, вытворити властны кампані і обернути увагу на важны темы, ці здобывати освіту як активный працюючий з молодежов,
- возможность путовати до веце як 30-ёх европских країн,
- здобути меджінародно узнаваний сертифікат „Youthpass“, котрый докладує твої новы здобыты знаня, зручности і погляды,
- выхосновати здобыты знаня і скушености дале при властной професіоналній реалізації або розвитку работы з молодежов на Словеньску.

### Кому є призначений:

- молодым людём у віці 13 - 30 років (быти студентом/студентков не є условіём),
- працюючим з молодежов (без вікового обмеджіня).

### Як організатор маєш возможность:

- вытворити властный куртодобый проєкт або довгодобе стратегічне партнерство,
- підпорити молодых людей і помочі їм зреалізувати властный проєкт,
- активно запоїти молодых людей до верейного діяня посередництвом проєктів заміряных на партіціпацію молодежы,





- реалізувати семінари, школіня, молодежны обміны, студійны навщівы ці позорованя робочого дня (job shadowing) меджінародного характеру,
- поділити ся своїма скушеностями з іншыма працівниками з молодежов.

### Кому є призначений:

Запоіти ся можуть безпрофітовы організації, соціалны подники, верейны інституції, самосправи, школы і **неформалны групи молодых людей** (найменше 4 особы у віці 13 - 30 років) і далшы субекты.



## Активіты Ерасмус+ про молодеж

### Ключова акція 1

### Молодежна обміна

Дає можность здобыти грант на стрічу груп молодых людей (16 – 60 участников) у віці **13 - 30 років з мінімално двох країн ЕУ і партнерських країн**. Цілем такой стрічі є, жебы сі молоды люде взаємно выміняли свої знаня, скушености, погляды в рамках темы, котра є про них інтересна і в котрій хотять здобыти освіту.

### Довжка реалізації активіты

Активіта проекту молодежной обміны може быти по добу **5 - 21 днів**.

### Мобіліта працівників з молодежов

Дає можность здобыти грант на зреалізованя або участь на школіню, семінару, студійній навщіві або на позорованя робочого дня (job shadowing) в організації активній у сфері роботы з молодежов.

### Довжка реалізації активіты

Активіта в рамках проекту мобіліты працівників з молодежов може быти реалізована по добу од **2 днів до 2 місяців**.

## Активіти заміряны на партіціпацію молодежи

Дають можности молодым людём активізовати ся і запоєвати ся до верейных діл, обертати увагу на сполоченьскы важны темы, проблемы і под. Дають можности молодым людём наприклад комуніковати з особами, котры мають право вирішовати у верейных ділах (учітелі, старостове, пріматоры, посланці на різних уровнях і т.д.). Таки активіти молодым людём дають можность представити свої проблемы і потреби відповідным особам і глядати сполочны рішіня, котры будуть в рамках проєкту і по нїм реалізовати ведно.

### Довжка реалізації активіти

Проєкт може быти реалізований по добу 3 аж 24 місяців і може быти зложеный з дакількох активіт.

## ДісковерЕУ (DiscoverEU)

Акція, котров ся молодым людём у віці 18 років дає можность выдати ся на коротку путь по Европі, або самостатно, або в групі. Як активіта неформальной освіти має ДісковерЕУ у участників посилнити їх змысел колегіаліты ід Европській унії і дати їм можность обявлєвати єй културну розмаїтость. Таксамо є єй цілём забезпечіти молодым людём зручности і компетенції, котры будуть мочи вывжыти в будучности, як і іншпіровати їх конкретно к утримательному подорожованю і в общім к розвитку енвіроменталных знань. ДісковерЕУ загорнює общу акцію, о котру можуть молоды жадати прямо на Европскім порталі про молодеж, як і акцію повязану з інклузієв. Акція ДісковерЕУ повязана з інклузієв є заміряна на молодых людей, котры мають мало можностей і єй цілём є злегшыти їм участь на акції ДісковерЕУ за еднакых условій, якы мають їх ровесници.

### Довжка реалізації активіти

3 аж 18 місяців про холем єдну участницьку організацію

## Ключова акція 2 – Партнерства про кооперацію

### Кооперачны партнерства

Може йти або о простішый проєкт сполупрацы меджі малыма організаціями, котры роблять у сфері работы з молодежов, або о комплексніше партнерство заміряне на розвиток і обміну іноватівными поступами в неформалнім навчаню і в роботі з молодежов.

**Проєкты бы мали быти основаны на іновації, підпорі узнаваня неформальной освіти** освіти і заводжованя новых метод неформального навчаня з выхоснованєм онлайн інштрументів або на меджі-секторовій сполупраці з цілём розвитку работы з молодежов.

### Довжка реалізації активіти

Проєкт може быти реалізований по добу 12 аж 36 місяців і може быти зложеный з дакількох активіт.

### Малы партнерства

Тот тип проєктів є призначеный про першожадателів в рамках Ключовой акції 2., про малы і мало скушены організації у сфері работы з молодежов. Заміром

партнерств є підпорити першы крокы організацій при вытварянню і розвитку меджінародных партнерств і кооперацій.

### **Довжка реалізаціі актівіты**

Проект може быти реалізованы по добу од 6 до 24 місяцїв і може быти зложеный з дакількох актівіт.

## **Европскый збор солідаріты**

Підпорує добровольництво і проекты у сфері солідаріты.

### **Як участник маеш возможность:**

- путовати і запоіти ся до добровольницькых актівіт, або быти сучастёв народного ці черезгранічного проекту солідаріты і позітívно вплинути на своє окружіня,
- возможность путовати до розлічных европскых країн або брати участь на актівітах в рамках Словеньска,
- вывжыти бесплатну онлайн датабазу народных і меджінародных проектів,
- здобыти меджінародно узнаваный цертіфікат „Youthpass“, котрый докладує твої новы здобыты знаня, зручности і погляды,
- самореалізувати ся, робити роботу, яка має змысел і здобыти новы скушености у сферах, котры принесуть хосен не лем тобі, але і сполочности.

### **Кому є назначеный:**

Молодых людей у віці 18–30 років.

### **Як організатор маеш возможность:**

- Вытворити проект про добровольницькы актівіты на Словеньску і в Европі,
- ініціувати властный проект з групов молодых людей і підпорити так комунітний розвой на локалній уровни,
- вывжыти бесплатну онлайн датабазу потенціалных участников проекту і выглядати так вгодных участников на основі профілу,
- дати молодым людем возможность розвивати ся і актívно брати участь на посилнёваню взаємных одношін в сполочности.

### **Кому є назначеный:**

Запоіти ся можуть безпрофітовы організації, соціалны подники, верейны інштитуції, самосправы, школы або групы молодых людей (найменше в кількості 5 особ у віці 18-30 років) і далшы субекты.





# Активіти Европского збору солідаріти

## Добровольницькы проєкты

Дають можность молодым людем запоіти ся індивідуално або в групах до добровольницькых активіт реалізованы на народній або меджінародній уровни в країнах ЕУ і в партнерських країнах.

Про організації і інституції, котры принимають добровольників, представляють тоты проєкты новы робочі і особны приступы посередництвом кооперації в меджінароднім тімі.

## Довжка реалізації активіти


Добровольник може в організації робити по добу 2-ох тыжднів аж 12-єх місяців.

## Проєкты у сфері солідаріти

Суть выкликом про тых молодых людей, котры хотять позітивно вплинути на своє окружіня, посилнити взаємне порозумліня містной комуніти, підпорити локальний розвой сполочности і іншпіровати і других навколо себе. Тоты проєкты суть призначены про неформалны групи молодых людей в кількості мінімално 5-єх молодых людей у віці 18 - 30 років.

## Довжка реалізації активіти

Солідарны проєкты можуть быти реалізованы по добу **2-12 місяців**.



## Евродеск

Іде о інформачну сїть про молодых людей і працюючых з молодежов, котра робить в **36-єх европских країнах**. Дає можность простого і скорого приступу ід інформаціям о можностях штудія, роботы, добровольництва, путованя і тыж о розлічных заграничных можностях про молодых людей. Сїть Евродеск дає молодым людем і особам, котры з нима роблять, інформачны службы о европских можностях у сфері едукації, одборной приправы і молодежы, як і запоїня молодых людей до европских активіт. **Сїть Евродеск робить у вшыткых членських штатах ЕУ і в третіх країнах придружених к програму а на европській уровни єй координує канцеларія Евродеск в Бруселі**. Сїть Евродеск понукать службы одповідей на вопросы, інформації о фінанцованю, події і публікації. Допомагать к ліпшому фунгованю Европского порталу про молодеж.

## Кому є призначений?

молодым людем до 30 років і працівникам з молодежов.

## Европский портал про молодеж

[www.europa.eu/youth](http://www.europa.eu/youth)

Онлайн портал, котрый дає інформациі о можностях про молодых людей. Европский портал про молодеж дає информациі на европській і внутроштатній уровни о можностях і ініціативах, котры суть про молодых людей, якы жыють, штудують або роблять в Европі інтересны.

- **Занимать ся ключовыма темами** враховано штудія, роботы, добровольництва, путованя і соціального зачленія молодых людей.
- Европский портал про молодеж дає молодым людем информациі о можностях про них в Европі і мімо нёй.
- Ділить ся ініціативами з цілём учіти ся, робити і реалізовати добровольницькы активіты.




## DiscoverEU

Акція, котров ся молодым людем у віці 18 років дає можность выдати ся на коротку путь по Европі, або самостатно, або в групі. Як активіта неформальной освіти має ДісковерЕУ у участників послити їх змысел колегіаліты ід Европській унії і дати їм можность обявлёвати ей культурну розмаїтость. Таксамо є ей цілём забезпечіти молодым людем зручности і компетенції, котры будуть мочи вывжыти в будучности, як і іншпіровати їх конкретно к утримательному подорожованю і в обцім к розвитку енвіроменталных знань. ДісковерЕУ загорнює общу акцію, о котру можуть молоды жадати прямо на Европскім порталі про молодеж, як і акцію повязану з інклузіёв. Акція ДісковерЕУ повязана з інклузіёв є заміряна на молодых людей, котры мають мало можностей і ей цілём є злегшыти їм участь на акції ДісковерЕУ за еднакых условій, якы мають їх ровесници.

## Довжка реалізації активіты

3 аж 18 місяців про холем єдну участницьку організацію

## Контакты

 IUVENTA - Slovenský inštitút mládeže (ЮВЕНТА – Словенський інститут молодіжы)

 Eurodesk Slovensko (Евродеск Словенсько)

 eurodesk\_sk

 [www.youtube.com/iuventabratislava](http://www.youtube.com/iuventabratislava)

 [www.iuventa.sk](http://www.iuventa.sk)

 [www.eurodesk.sk](http://www.eurodesk.sk)

 [www.erasmusplus.sk](http://www.erasmusplus.sk)

 [www.zborsolidarity.eu](http://www.zborsolidarity.eu)